


18-1-41
③ Bhalobasa



স্বৰ্গমা পিক্‌চাৰ্জের নিবেদন
মায়ী=মৃগ



ঔপন্যাসিক


৩চারু বন্দ্যোপাধ্যায়ের

অমর কাহিনী

“যমুনা পুলিনের ভিখারিণী”

অবলম্বনে

স্বপ্নালিঙ্গগঙ্গেরি



মায়ামুগ



“মায়ামুগ” : নামকরণ : : : প্রচারকর্তা : সুশীলকুমার

নেপথ্যে

- প্রমোজনায় -

- জনেশ্বরজ্ঞান -



পরিচালনায়

সুরশিল্পে



কীলাভবন

গির্জান চক্রবর্তী

মূল-সাহিত্য

কথ্য ও গান



চাঁদ্র বন্দ্যোপাধ্যায়

শুশান্ত কুমার

GUHA

চিত্রীক

চরিত্র পরিচিতি :

যুথি (মেয়ে)	}	...	কমলা দে
লীলা (মা)			
শিশু যুথি		...	কুমারী মমতা
পদ্মা		...	মণিমালা দেবী
কাকিমা		...	সরযু রায়
পিসিমা		...	উষা দেবী
বিমল			ইন্দ্রনাথ
ফণী			নটরাজ
অমৃত	...		তারাপদ
ললিত	...		বেচু দাস
অমর	...		দিব্যেন্দু
কাকাবাবু	...		যতীন মিত্র
ভৃত্যদ্বয়	}		লাটু কর
			ললিত মিত্র

দৃশ্যাবলী : আশ্রা, এলাহাবাদ, গোয়ালন্দ, বজবজ,
দক্ষিণেশ্বর, কলিকাতা ও ষ্টুডিয়ো



কাহিনী

তাজমহলের শহরে বাড়ী অমৃতর। অমৃত রায় শিল্পী—মনে-প্রাণে, কাজে-কর্মে তার শিল্পানুরাগ। বড়োলোকের বঁছেলে, অন্নচিন্তা নেই—ছবি এঁকে আর তাজ দেখে দিন কাটে। সংসারে আপন-জন নেই বিশেষ—এক কাকীমা আর কাকা ছাড়া। হ্যাঁ, আছে আর একটি মেয়ে—লীলা। লীলা দূরাঙ্গীয়, কিন্তু শিল্পীর মডেল।



মডেলের মতো রূপ আর এক বাড়ীতে থাকবার ঘনিষ্ঠতা, এই দু'টিকে কেন্দ্র ক'রে শিল্পীর মনে আরো একটা কিছু গড়ে ওঠে। লীলাকে জীবন-সঙ্গিনী করবার মতলব যখন কাকা-কাকিমার অনিচ্ছাকেও ছাপিয়ে গেল তখন একটি বিশেষ ঘটনা ঘটে।

অমৃত নিজের মনকেই জানে কিন্তু আর-একটি কথা তার শিল্পী মন হয়তো জানত না যে “যাহা চাই তাহা ভুল ক'রে চাই”। লীলার মনের অতলে তলিয়ে দেখে নি এই সরল উদার প্রাণ যুবক। লীলার মনে ছিল—“যাহা পাই তাহা চাই না”।

অমৃত যখন বিয়ের প্রায় সমস্ত ঠিক ক'রে ফেলেছে, শুধু লীলার মতের অপেক্ষা—এমনি সময়ে অমৃতর পাশের বাড়ী পূর্ণ কুটিরে একটি যুবকের আবির্ভাব হ'ল—নাম তার ললিত

বক্সী। ললিত যেচে এসে অমৃতের সাথে আলাপ পরিচয় ক'রে গেল।

অভ্যাস মতো সেদিনও বিকেল বেলা অমৃত যখন লীলাকে নিয়ে তাজমহলে যাবার প্রস্তাব ক'রল, লীলা কিন্তু অভ্যাস মতো তার সাথে গেল না, বললে—মাথা ধরেছে তার।

অগত্যা অমৃত একাই বেরিয়ে পড়ল।


তাজ থেকে ফিরে অমৃত লীলাকে ঘরে দেখতে না পেয়ে, বাগানে খোঁজ করতে গেল। তার ডাকে, প্রায়াক্রমিক সন্ধ্যার বাগানে, একটি মূর্তি লীলার সন্নিধান থেকে ছুটে চলে যাচ্ছিল। চোর ভেবে অমৃত ক্ষিপ্ৰহস্তে তাকে পাকড়াও করে দেখে—চোর আর কেউই নয়, ললিত।

অমৃত ললিতের সমুচিত শিকার আয়োজন করতেই, তার সমস্ত স্বপ্ন ভেঙ্গে লীলা নিজে এসে বাধা দিল, বললে—অমৃতকে সে ভালো বাসে না একটুও। সেই খবর দিয়ে ললিতকে আনিয়েছে এবং আজই রাতে অমৃতর আশ্রয় ত্যাগ করে ললিতের সাথে পাড়ি জমাবার পরামর্শ ই তারা কচ্ছিল।

অমৃত শিল্পী—এই নিদারুণ আঘাতে বুকখানা তার চুরমার হ'য়ে গেলেও সে নিজে গাড়ী বের করে তাদের স্টেশনে পৌছে দিয়ে এলো।

এলাহাবাদ এসে কিছুদিন পরেই লীলার জানতে বাকী রইল না যে স্বামী ললিতের জীবনে স্ত্রী লীলাই একমাত্র রমণী নয়। কিন্তু ভুল তখন অনুষ্ঠিত হ'য়ে গেছে, তাকে আর ফিরিয়ে আনা যায় না।

কয়েক বছর কাটল লীলার—এই অনাদরে, অবহেলায়। তা'তেও প্রায়শ্চিত্ত সম্পূর্ণ হ'ল না। একরাত্রে রক্ষিতা পদ্মর বাড়ীতে অতিরিক্ত মত্তপানের পর অনেক রাতে বাড়ী





ফেরে ললিত। লীলার সাথে হয় কথা
কাটাকাটি, সেই উত্তেজনার ফলে ললিত
প'ড়ে যায়। লীলার সিঁছর মুছে যায়,
শাঁখা ভেঙ্গে যায়।

লীলার কোলে তখন ছ'বছরের
শিশু কন্যা। তার হাত ধ'রে লীলা
পথে এসে দাঁড়ায়। এই পথই কি ক'রে
যেন তাদের আগ্রায় পৌঁছে দেয়।

সেই শিশু এখন তরুণী। রুগ্না
মা ও তার জীবিকার আর কোন



সহপায় অবশিষ্ট না থাকায় মেয়েকেই নামতে
হয়েছে ভিক্ষায়। জনবিরল “যমুনা পুলিনে”
দাঁড়ায় “ভিখারিণী” হাত পেতে।

আসন্ন এম্-এ পরীক্ষার পড়া তৈরী
করতে এই সময়েই সোনাভলার জমীদার-পুত্র
ফণী নাগ ও তার প্রিয়তম সহপাঠী বন্ধু বিমল
এলো আশ্রয়। একদিন এই বন্ধুদ্বয় সন্ধ্যা
বেলা যমুনার তীর ধ’রে ফিরছে, হঠাৎ নজরে
পড়ল ভিক্ষারতা মেয়েটির দিকে। জমীদারির
আবহাওয়ায় মানুষ ফণী—সে কোমল চিত্তবৃত্তির
ধার ধারে না। সে এড়িয়ে যেতে চাইলেও



মায়া-মুগ

বিমল এগিয়ে গেল। প্রথম দৃষ্টিতেই কাপড় পরবার ধরণ দেখে সে বুঝেছিল—মেয়েটি বাঙ্গালী। ফণী একটু ব্যঙ্গোক্তি করে' সরে' পড়ল। বিমল এই অবগুষ্ঠনবতীর সঙ্গে খানিক আলাপ ক'রে নিল।

এই ছু'টি তরুণ প্রাণকে নিয়ে খেলবার ইচ্ছে হল পঞ্চশরের—হ'লেই বা মেয়েটি ভিখারিণী।

বিমল সাহায্য করবার তাগিদে গিয়ে নিজের তাগিদে জড়িয়ে পড়ল। এদের সম্পর্ক যখন সামান্য পরিচয় ছাপিয়ে গেছে তখনই পরীক্ষার তারিখ সন্মিকটবর্তী হওয়ায় বিমলকে কল্কাতা চলে' আসতে হ'ল।

আসবার আগে অবশ্যই সে মুখ-না-দেখা, নাম-না-জানা ভিখারিণীকে, পরীক্ষা শেষ হওয়া মাত্রই ফিরে যাবার প্রতিশ্রুতি দিয়ে এসেছিল।

মানুষ ভবিষ্যৎকে যে রূপে কল্পনা করে, অ-দৃষ্ট অদৃষ্টের কোলে তার ভবিষ্যতের চেহারা অল্প রকম।

পরীক্ষা-অন্তে বিমল আগ্রা এসে, দেখে সেই মেয়েটির মাথা গোঁজবার কুঁড়ে খানিও খাঁ খাঁ করছে।

খোঁজ নিয়ে জানা গেল এই ক'দিনের অবকাশে মেয়েটির মা লীলার মৃত্যু হয়েছে। আর ভিখারিণী? হয় তো ভিক্ষাকে সম্বল করে' অন্তহীন পথের কোন্ প্রান্তে পৌছেছে, কে বলতে পারে।

তীর্থে পূণ্যকামীদের ভিড়। তারা মনে করে দরিদ্র সাক্ষাৎ নারায়ণ : তাই ভিক্ষুকেরাও সেই সুযোগ নিয়ে তীর্থে-ই ভিড় করে। এই সূত্র ধরে বিমল কার ঘেন আশায় তীর্থ-পর্যটক হয়ে পড়ল।

আরো কিছু দিন পর—

ফণীর পিসিমা তার এক মাত্র পুত্র অমরকে নিয়ে থাকেন নবদ্বীপে। একদিন জ্ঞান ঘাটে একটি মূর্চ্ছিতা মেয়ের প্রতি অমরের মা আর অমরের দৃষ্টি পড়ে। মেয়েটি বেশবাসে দরিদ্র হ'লেও অমরের মার কেমন ঘেন একটা করুণা জন্মে। তারা মেয়েটিকে বাড়ী নিয়ে আসেন।

মেয়েটির নাম যুথি। যুথির মুমূর্ষু মায়ের কাছে শোনা তাদের যে বংশ পরিচয় এই মেয়েটির মুখে অমরের মা পান, তা যুথির ব্যবহারের সৌজন্মে তিনি অবিশ্বাস করতে পারেন না।

তাদের আশ্রয় দানের সুযোগ নিয়ে অমর প্রেম নিবেদন করে। এই প্রেম গুঞ্জে যখন যুথি নিতান্তই অস্বস্তি অনুভব করছে, ঠিক সেই সময়েই ফণীর আবির্ভাব।

ফণী তখন জমীদার। তার ঘরোয়া ব্যাপারের তাল সামলাতে রাজা ফণীর তখন একটি “রাণী-কে রাণী, ঝি-কে ঝি” দরকার। ফণীর ভাষা চিরকালই সোজা রাস্তায় চলে। এই বিবাহের খোঁজেই তার আসা, এ কথা গুরুজন পিসিমার কাছে স্পষ্টতঃ বলতে তার জিহ্বা সঙ্কুচিত হয় না।

পিসিমা যুথির সাথে বিবাহের প্রস্তাব করতেই, যুথিকে দেখে ফণীর ভারী পছন্দ হ’য়ে গেল। একদা — নিরাশ্রিতা যুথি সোনাতলার রাণী বনে’ গেল।

তীর্থ পর্যটনে ক্লান্ত বিমল, নূতন উদ্ভূত সংগ্রহ করতে পুরাতন বন্ধু ফণীর বাড়ী হঠাৎ এসে হাজির।

যুথির সাথে তার পরিচয় হয় এবং যুথিকে তার বেশ ভালোই লাগে। ভালো লাগলেও তার মন তখনও আচ্ছন্ন করে’ আছে সেই ভিখারিণী।

• একদিন এক অলস অবসরে, যখন সে ভিখারিণীর চিস্তায় মশগুল, একখানি চিঠি কোন এক অদৃশ্য লোক থেকে তার কাছে এসে পড়ে, তলার নাম “যমুনা পুলিনের ভিখারিণী।” সে ভেবে আশ্চর্য্য হচ্ছিল, যমুনা পুলিনের ভিখারিণীর চিঠি এখানে কি ক’রে এলো।

অনতিবিলম্বে আর একটা জিনিষ আবিষ্কার ক’রে সে আরো আশ্চর্য্য হ’ল যে—তার সেই তীর্থ পর্যটনের লক্ষ্য ভিখারিণী এখন তারই বাহুপাশ-বন্ধ—এবং সে আর কেহই নয়—সোনাতলার রাণী যুথি।

কিন্তু এই আশ্চর্য্য ভাব বেশীক্ষণ স্থায়ী হবার আগেই পিছন থেকে ফণীর চাবুকের হুক্কর শোনা গেল।

মুহূর্ত্তে কী যে ঘটে’ গেল! ফণীর চাবুক ইতস্ততঃ চল্ল খানিক। আর সেই মুহূর্ত্তের উত্তেজনার ফলে যুথি বিমলের হাত ধ’রে ফণীর গৃহত্যাগ করল।

বিমল যুথিকে খুবই ভালো বাসত। তা হ’লেও যুথি তখন বন্ধু পত্নী। তার কি উচিত হ’ল উত্তেজিতা যুথির স্বামীগৃহ ত্যাগের সমর্থন বা সাহায্য করা?

যুথির পক্ষে, স্বামী শত অন্ডায় করলেও স্ত্রীর চোখে স্বামী দেবতাই। স্ত্রী যদি স্বামীর অপরাধ সহ্যই না ক’রে নেবে, তবে কি সে এখনও বিমলকে...? সে কি তবে ভিখারিণী?

আর ফণী—?

ভুল হ’ল কার? এর উত্তর দেবে কে? সমাজ না বিবেক?

গান ৩

—এক—

ভুবন ভরিয়া প্রেমের ঠাকুর
খেলিছ এ কোন্ খেলা !
রূপের মাঝারে অরূপের লীলা
চলে তব সারা বেলা ॥

যদি, সাথী নাহি মিলে কেন দিলে প্রাণ,
কেন তবে দিলে বুক-ভরা গান !
না বাধিতে বীণা হ'ল অবসান
কত না সুরের মেলা ॥

যমুনা পুলিনে একদা যে বাশী
বাজালে ব্যাকুল সুরে—
তীরে তীরে তার আজি আধিয়ার
ভিখারিণী রাধা বুঝে ।
তুমি নাই তবু বাজে কার বাশী—
নিখিলের হিয়া হ'ল যে উদাসী,
যুগে যুগে আসি' হে লীলা-বিলাসী
ভালো বেসে হানো হেলা ।

—সমবেত

—দুই—

রূপের পূজা লাগি,
তাজের গায়ে দেখি
হৃদয়ে চুপে চুপে
কমলে দল মেলি'
কাননে ফুলে ফুলে
মহয়া মন-তলে

কৈদেছে তব প্রাণ-
প্রেমের স্তব গান ॥
প্রেম যে ফুল সম-
জাগে সে নিরূপম;
সুরভি হয়ে' ছলে
মধু-রে করে দান ॥

—ভবানী দাস

—তিন—

শুলবাগে মোর ভুল ক'রে কি
ফুটল ছ'টি কমল-কলি,
তাই শুনে কি গন্ধ-পাগল
জুটল এসে মাতাল অলি ॥
অরুণ-রাগে জানি ঝরবে নিশা
থাকবে না জানি এই রাতের তৃষা ।
মধু নয়ন হেনে মূহ গুঞ্জরণে
হ'টো মিষ্টি কথা, মোরে, যাও না বলি' ॥

—চিত্তরঞ্জন রায়

— চার —

দিন যে রে ব'য়ে যায়—
 কারো স্মৃথে ছুঃথে কারো মুখপানে
 সে কি কভু ফিরে চায় ।
 কপোলে মাথিয়া রাঙা কুম্ভুম
 সোনার সকালে জাগে যে কুম্ভুম,
 সাঁঝের ছায়ায় রঙ মুছে যায়
 গাহে সে বিদায়, হায় ॥
 কালের প্রবাহে কে কোথায় মোরা
 কোন্ দূরে ভেসে যাবো—
 এই ভুবনের খেলা হবে শেষ
 আর নাহি দেখা পাবো ।
 তরুণ প্রাতে অরুণ-আলোকে,
 ভরিবে সবার হৃদয় পুলকে—
 জীবনের পিছে আসে যে মরণ
 ভেসে যায় অজানায় ॥

—মৃগাল ঘোষ

—ছয়—

মনের মানুষ আছে কোথায়,
 তারে, খুঁজিয়া না পাই
 তার তালসে ঝাশ বিছাশে
 ঘুরিয়া বেড়াই ॥
 অসমানেতে যায় রে পজী
 পালক বইর্যা পড়ে
 সেই না পজীর পালক দেইখ্যা
 পরাণ ছটফট করে ॥
 আরে ও—
 দেহ হৈল কাঠের তরী
 পীরিত সোঁতের পানি
 সেই না সোঁতের ঢেউ লাগিয়া, হায়
 ভাঙিল পরাণি ॥

—সুজন মাঝি

— পাঁচ —

আহা, শ্রামের বাঁশরী বুঝে ।
 মোহনৌয়া বাঁশী আজি বেহুরো উঠিল বাজি'
 বিধুর করুণ সুরে ॥
 যে-সুরে বহিত যমুনা উজান
 যে-সুরে জাগিত কুম্ভুমের প্রাণ
 আজিকে সে-সুর বিরহ বিধুর
 বন-উপবন ঘুরে ॥
 কোথা তুমি আছ বিনোদিনী রাই
 জলে, তরুতলে নাই কোথা নাই
 বিরহ-বেদনায় বেগু আজি মূরছায়
 নীরব ভুবন জুড়ে' ॥

—বারুণা দে

গিরীন চক্রবর্তী

— সাত —

আমার বলিয়া ভেবেছিলাম হায়
তোমার মালার ফুল
বিফল প্রান্তের নয়নে দোলে
অশ্রুহীরার ছল ॥
বৃকের কুলায়ে সারা নিশি ধরে'
রাখিছ জড়ায়ে পরম আদরে
রাতের কুয়াশা শিশিরে মিলায়
শুকায় আশা-মুকুল ॥

— কবিতা —
শিল্পকর্ম

তরুরে ঘিরিয়া বেঁধেছিল যবে
মালতী-মালার রাখী
হিয়াতল তার উঠেছিল রেঙে
আলোর পরাগ মাখি ।
তরুশাখা 'পরে রচি পরিচয়,
মালতী গেয়েছে আলোকের জয়—
আলোর দেবতা নিল মালতীরে
সার হ'ল মোর ভুল ॥

গিরীন্দ্র চক্রবর্তী
— কবিতা —
শিল্পকর্ম



সিঁচ-সিঁচ



ভালো-বাসা

পরিচয়

খ্যাদা মামা	...	তুলসী নাহিড়ী	সুরজিৎ	...	রঞ্জিৎ রায়
ফ্যান্স মামী	...	শ্রীমতী প্রভা	গোবরা	...	বোকেন চট্টো
ভবতারণ	...	সত্য মুখোপাধ্যায়	অপর্ণা	...	রেখা দে
শোভনা	...	মীরা দত্ত	সুচিত্রা	...	সুশীলা

এবং চারুশীলা প্রভৃতি

গল্প :

চমৎকার একখানি ফ্ল্যাট—কলকাতার অভিজাত এক পল্লীতে। সুন্দর ক'রে সাজানো, শহরের ধুলো ও ধোঁয়া সেখানে পৌছয় না : ভালো বাসবার, চোখে চোখ দিয়ে নীরব ভাষায় প্রেমের কলগুঞ্জনের উপযুক্ত স্থানই বটে। ফ্ল্যাটটির নাম “ভালো-বাসা”।

থাকেন একটি নব-পরিণীত দম্পতী, ভালোবেসে তাঁদের বিয়ে হয়েছিল। ভবতারণ কবি। ভবতারণ কবিতা লেখে, সঙ্গীত রচনা করে—শোভনা সেই গানের বাণীতে প্রাণ দেয়—সুর করে' শোনায় তাঁকে। একখানি ঘর, রান্না বাগান পাট নেই—সেটা হোটেল মারফৎ চলে।

শোভনা গান গায়, তাকে দিতে একটি অর্গানই উপযুক্ত উপহার। একদিন তাও আসে। ভবতারণের আয় অর্গান কেনবার মতো নয় : কাজেই সেটা আসে মাসিক কিস্তিতে। স্বামী অফিসে যান পায়ে হেঁটে, টাকা বাঁচান : স্ত্রী ঝি তুলে' দেন—কিস্তির টাকা শোধ করতে।

এরি থেকে ভবতারণকে বন্ধু বান্ধবকে টাকাটা সিকিটা সাহায্যও করতে হয়।

এক বন্ধু আছেন সুরজিৎ। মাঝে মাঝে মাইফেলের জন্ম বন্ধুকে এবং তথা নিজেকেও খুশী করতে অভাব পড়ে' গেলে ভবতারণই যথাসাধ্য দিয়ে তরান। সেই আসে যায় একটু বেশী, কিম্বা ভবতারণেরও তারই ওখানে, অফিস ও প্রেম কুঞ্জনের বিরলতম অবসরে একটু যাতায়াত আছে।

বেশ কাটছিল দিন।

কিন্তু ভালো বাসাতে-ও ঝড় লাগল।

দেশে থাকেন ভবতারণের এক মামা—খ্যাদা। কবিত্ব শক্তিটা নাকি “নরাণাং মাতুল
ক্রমঃ” হিসেবে এরি কাছ থেকে ভবতারণের পাওয়া।

খ্যাদা মামা আর ক্ষ্যান্ত মামীর এখন ঝগড়া-পর্ক। সেই পর্ক প্রৌঢ়ের প্রান্তে, ছ’জন
ছ’জনের মুখ না-দেখাদেখিতে এসে দাঁড়িয়েছে। একদিন অতি বিরক্ত হয়ে খ্যাদা মামা গৃহত্যাগ
করেন। ব’লে যান—আর ক্ষ্যান্তর মুখও দেখবেন না। চাকর গোবরা মারফৎ ক্ষ্যান্ত, খ্যাদাকে
গৃহত্যাগে নিবৃত্ত তো করতে পারেনই না, জানতেও পারেন না—মামা কোথায় গেলেন।

বলা বাহুল্য, কল্কাতায় চাকুরে ভাগ্নে থাকতে মামা আর কোথায়ই বা যাবেন।

অথচ, তাদের মোটে একখানি ঘর। মামা বাইরে শুয়ে থাকেন, তা ছাড়া আর
উপায় কি?

কিন্তু উটের মতন, নাক ঢোকাবার জায়গা পেয়ে, পরে সর্বদা ঢোকাবার স্পৃহা মামা
ছাড়েন কি করে? আস্তে আস্তে অন্তরের দিকে একটু একটু এগোতে থাকেন মামা।



শ্রীমতী মীরা দাস

ভালো-বাসা

একখানি ঘর, তাতে প্রায় সর্বদাই গুরুজনের উপস্থিতি। মামাশ্বশুরের স্নমুখে অবশ্যই শোভনার ঘোমটার দৈর্ঘ্য আপনি বেড়ে যায়। ফলে প্রেম তো জমেই না; এমন কি, অফিস ফেরৎ শোভনার শ্রীমুখপঙ্কজ দেখাও ভাগ্যে ঘটে না বেচারী ভবতারণের।

মামার এই অত্যাচার দম্পতীর পক্ষে অসহ্য হ'য়ে ওঠে। মামা, —মামিমাকে এড়াতেই হোক, আর একটানা পল্লীবাসের পর ক'লকাতার মোহেই হোক—নড়বার নামটি করেন না পর্যন্ত। তখন একদিন এই বিপদ থেকে উদ্ধারের আশায় ভবতারণ, বন্ধু সুরজিতের বুদ্ধির শরণ নেয়।

সুরজিতের একটু পানদোষ আছে বটে। কিন্তু এই শ্রেণীর লোকেদের মতো হঠাৎ বুদ্ধিও তার কম নয়।

সে, একটি মতলব বাৎলে দেয়।

থবর পাওয়া যায়, দেশ থেকে ক্যান্স মামি আসছেন। তখন অবশ্যই খাঁদা মামার আবার দেশে ফিরবার বন্দোবস্তই করতে হয়।

খাঁদাও যাবার অল্প তৈরী, ঠিক সেই মুহূর্তেই ক্যান্স এসে হাজির।

মামার আর যাওয়া হয় না। কিন্তু ঘর যে মাত্র একখানি— দুইটা দম্পতী কি করে থাকবেন?

এর মীমাংসা আপনারাই করুন।

গান



আমরা ছ'জন করব কুজন

নদীর কল-গীতে—

দেখব নূতন টাদের স্বপন


চোখের জ্যোছনাতে।

নিত্য মোদের কোজাগরী

স্বপ্নে চলে থেয়া-তরী

নিরন্দ্রেশে যাত্রা মোদের

নীরবে নিভূতে ॥





সরমা পিকচার্সের প্রচার-কর্তা শশীলকুমার কর্তৃক প্রচারিত ।
১৮, বৃন্দাবন বসাক ষ্ট্রীটস্থ দি ইন্টার্ন টাইপ ফাউণ্ডারী এণ্ড ওরিয়েন্টাল প্রিন্টিং ওয়ার্কস লিমিটেড হইতে
শ্রীবীরেন্দ্রনাথ দে কর্তৃক মুদ্রিত ও বি. নান কর্তৃক প্রকাশিত ।